

dictum conjugem infidelem moneri legitime non posse, aut monitum intra tempus in monitione præfixum, suam voluntatem non significasse.

7^o Dispensandi pro quinquaginta casibus super impedimento mixtæ religionis, dummodo tantum omnino sit conditionibus ab Ecclesia præscriptis ac præsertim de amovendo a conjugē catholico perversionis periculo, deque conversione conjugis acatholici pro viribus curanda, ac de universa prole utriusque sexus in Catholice Religionis sanctitate omnino educanda; servata in reliquis instructione typis impressa.

8^o Assignandi pensiones parochis vel missionariis ex infirmitate resignantibus parochias seu missiones, in quas per decem annos incubuerunt, solvendas annuatim a successore, non excedentem tertiam partem fructuum quolibet modo proventuum ex parœciis vel missionibus.

9^o Exigendi mæletas modicas in dispensationibus matrimonialibus.

10^o Impertiendi intra fines suæ diœcesis ter quolibet anno papalem benedictionem in solemnioribus seu dominicis festis cum indulgentia plenaria ab iis lucranda qui vere pœnitentes, confessi ac sacra communione refecti, eidem benedictioni interfuerint, Deumque pro sanctæ fidei propagatione et S. R. E. exaltatione oraverint.

11^o Impertiendi in perpetuum indulgentiam plenariam singulis ex clero, qui per quinque saltem dies S. Exercitiis interfuerint, ac sacrosanctum missæ sacrificium celebrantes, vel saltem sacram synaxim recipientes, pias ad Deum preces effuderint pro S. Fidei propagatione et juxta mentem Sanctitatis suæ, et ejusdem indulgentiæ applicationem per modum suffragii animabus in purgatorio detentis permittendi.

12^o Impertiendi benedictionem cum indulgentia plenaria omnibus Christi fidelibus in articulo mortis constitutis juxta